



Broj: 16-12-16-3431-~~17~~ /18
I. Sarajevo, 31.07 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za nabavke za potrebe Državne agencije za istrage i zaštitu u 2018. godini broj 16-12-16-3431/18 od 19.07.2018. godine, u postupku javne nabavke usluge osiguranja objekta Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku usluge osiguranja objekta Državne agencije za istrage i zaštitu

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2018. godini broj 16-12-16-3431/18 od 19.07.2018. godine i ugovor za javnu nabavku usluge osiguranja objekta Državne agencije za istrage i zaštitu, za period od 2 (dvije) godine, dodijeljuje se ponuđaču Sarajevo osiguranje d.d. Sarajevo, za ponudenu cijenu od 6.990,00 KM bez uračunatog PDV-a.

Član 2.

(1) Ponuđač Sarajevo osiguranje d.d. Sarajevo obavezan je ugovornom organu dostaviti dokaz o ispunjavanju uslova iz tačke 3.1.1. i tačke 3.1.3. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke usluge osiguranja objekta Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-3431/18 od 17.05.2018. godine, putem konkurentskog zahtjeva, za koji je obavještenje o javnoj nabavci objavljeno na Portalu javnih nabavki broj 1161-7-2-240-3-41/18 od 31.05.2018. godine. Procijenjena vrijednost javne nabavke je ukupno 13.600,00 KM bez uračunatog PDV-a, za šta su novčana sredstva obezbjeđena u okviru budžetskih sredstava za 2018. godinu.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija II za nabavke za potrebe Državne agencije za istrage i zaštitu u 2018. godini (u daljem tekstu: Komisija) dostavila je Izvještaj o radu broj 16-12-16-3431/18 od 19.07.2018. godine sa preporukom o izboru najpovoljnijeg ponuđača u postupku javne nabavke usluge osiguranja objekta Agencije.

Tačkom 6. Tenderske dokumentacije navedeno je da je rok za dostavljanje ponuda 12.06.2018. godine do 13,00 sati, te da se ponude dostavljaju u zatvorenoj koverti. Komisija je dana 12.06.2018. godine u 14,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno devet ponuda i to:

Redni broj	Naziv ponuđača	Vrijednost ponude (bez PDV-a)
1.	Brčko gas osiguranje Brčko	13.398,00 KM
2.	Dunav osiguranje a.d. Banja Luka	13.281,84 KM
3.	Drina osiguranje a.d. Milići	13.416,00 KM
4.	Krajina osiguranje a.d. Banja Luka	8.205,00 KM
5.	Sarajevo osiguranje d.d. Sarajevo	12.862,20 KM
6.	Adriatic osiguranje d.d. Banja Luka	12.712,50 KM
7.	Wiener osiguranje VIG Banja Luka	11.207,82 KM
8.	ASA osiguranje d.d. Sarajevo	13.213,50 KM
9.	ATOS osiguranje a.d. Pale	13.167,20 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da sljedeći ponuđači: Brčko gas osiguranje Brčko, Dunav osiguranje a.d. Banja Luka, Drina osiguranje a.d. Milići, Krajina osiguranje a.d. Banja Luka, Sarajevo osiguranje d.d. Sarajevo, Wiener osiguranje VIG Banja Luka, ASA osiguranje d.d. Sarajevo i ATOS osiguranje a.d. Pale ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da ponuđači ispunjavaju i formalno-pravne uslove postavljene u Tenderskoj dokumentaciji.

Komisija je uvidom u dostavljenu ponudu ponuđača Adriatic osiguranje d.d. Banja Luka utvrdila da ista ne ispunjava kvalifikacione uslove iz tačke 5.2. Konkurentskog zahtjeva, jer ponuda nije čvrsto uvezana na način da se onemoguću naknadno vađenje ili umetanje listova.

Tenderskom dokumentacijom je za postupak javne nabavke usluge osiguranja objekta Agencije predviđeno provođenje e-aukcije. Imajući u vidu da je zaprimljeno osam prihvatljivih ponuda, Komisija je dana 09.07.2018. godine zakazala e-aukciju za dan 11.07.2018. godine sa početkom u 11:00 časova.

Prema Izvještaju o toku i završetku e-aukcije od 11.07.2018. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

Redni broj	Naziv ponuđača	Vrijednost ponude (bez PDV-a)
1.	Sarajevo osiguranje d.d. Sarajevo	6.990,00 KM
2.	Wiener osiguranje VIG Banja Luka	7.220,00 KM
3.	Dunav osiguranje a.d. Banja Luka	7.790,00 KM
4.	ASA osiguranje d.d. Sarajevo	8.071,00 KM
5.	Krajina osiguranje a.d. Banja Luka	8.205,00 KM
6.	ATOS osiguranje a.d. Pale	13.167,20 KM
7.	Brčko gas osiguranje Brčko	13.398,00 KM
8.	Drina osiguranje a.d. Milići	13.416,00 KM

Nakon provedenog postupka e-aukcije, shodno Izvještajima o toku i završetku e-aukcije od 11.07.2018. godine, Komisija je utvrdila da je za navedeni postupak bilo snižavanja cijene ponude, kao i da iste podliježu primjeni preferencijalnog tretmana domaćeg.

Tačkom 8.3. Tenderske dokumentacije navedeno je da će Agencija primjeniti preferencijalni tretman domaćeg u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“, broj 83/16), pa shodno tome, a u svrhu poređenja ponuda umanjene su cijene domaćih ponuda za preferencijalni faktor od 10%, kako slijedi:

Redni broj	Naziv ponuđača	Vrijednost ponude (bez PDV-a)
1.	Sarajevo osiguranje d.d. Sarajevo	6.291,00 KM (primjena preferencijalnog tretmana domaćeg 10%)
2.	Wiener osiguranje VIG Banja Luka	6.498,00 KM (primjena preferencijalnog tretmana domaćeg 10%)
3.	Dunav osiguranje a.d. Banja Luka	7.011,00 KM (primjena preferencijalnog tretmana domaćeg 10%)
4.	ASA osiguranje d.d. Sarajevo	7.263,90 KM (primjena preferencijalnog tretmana domaćeg 10%)
5.	Krajina osiguranje a.d. Banja Luka	7.384,50 KM (primjena preferencijalnog tretmana domaćeg 10%)
6.	ATOS osiguranje a.d. Pale	11.850,48 KM (primjena preferencijalnog tretmana domaćeg 10%)
7.	Brčko gas osiguranje Brčko	12.058,20 KM (primjena preferencijalnog tretmana domaćeg 10%)
8.	Drina osiguranje a.d. Milići	12.074,40 KM (primjena preferencijalnog tretmana domaćeg 10%)

Shodno navedenom, prihvaćen je prijedlog Komisije i odlučeno da se ugovor u postupku javne nabavke usluge osiguranja objekta Agencije, za period od 2 (dvije) godine, dodijeli ponuđaču Sarajevo osiguranje d.d. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 9x;
- Sektoru za mat.-fin. poslove;
- a/a.

